

CIMELIA

Qu

4267

Poet. 1338.

Hyacinthus.

I. D. 26 1/2

Hussoriani Nicolai: De vita et gestis David

Hyacinthe opusculum.

(Crae.) in notis Hier. Victoris, 1525.



4267

CIMELIA

2.V.43c

Poerua 1338.

I. d. 26½

DE VITA ET GESTIS DIVI
Hyacinthi, Opusculū Nicolai Hussouiani.

Constat in hystorijs clare, quia tempore prisco,
Hæc fuit in magno semper honore domus.
Et nūquam caruit, quorū uirtute niteret,
Non mirū solitos si tenet alta gradus.



Cim. Gu. 4267

SPECTABILI ET MAGNIFICO DOMINO CHRISTOPHORO de Schidlouyecz, Palatino & Capitanzo Cracouien. ac Supremo Regni Poloniae Canellario &c. Nicolaus Hussouianus S.D.

Congrui mihi Spectabilis & Magnifice domine, auiam hoc opusculum de Diuo Hyaantho per me factū, dicendū esset, primus, & quidem tanto rerū comitatu occurrisset, ut sine graui etiā culpa praeteriri non potueris. Nam supra ingentes uirtutes tuas, non hoc tantum, quia cum diuo Hyaantho eadem domus eademq; armorum insignia tibi sunt, sed etiā illud accessit, quia deuotissima tua in hunc sanctū reuerentia, ita nota est, ut nec tēgi possit nec dissimulari. Quod autem de hoc uiro tam breuiter scripserim, & ex longa operum serie, breuissima quedam delegerim, non mihi sed fortune, quae me oppressum diu tenet, tribuendū est. Retineatur tamen quoq; modo Diui Hyaanthi memoria. Nescio enim, an cuiusquā in hoc regnū maiora eius meritis extent, qui doctrina, exemplis, miraculis, & maximis suis laboribus, rem Poloniam in Christianitate non satis tunc adulta, idolatrie plena, ritibus monstrosis non tantū uiciā, sed & ipsa infecta, ita stabilauerat, ita in fide Christi firmauerat, ut in omnibus statibus, altissime uirtutis exempla inuenirentur. Et ut minores ordines praeteream, Quid fieri potuit Boleslao pudico Cracouien. Quid Colomanno Haliciē. duce, absolutus, qui tempore Diui Hyaanthi, in aetate florentissima, in turbido diuitiarum & magnae potentiae strepitu, habentes ex regia stirpe coniuges, ut genere ita forma insignes, suam & ipsarū perpetuam uirginitatē seruare, & absq; haeredibus mori, quā illecebris duā mūdānis maluerūt, tantū illius doctrina, & sanctumonia proficere. Nec tam suo tempori, quā toti posteritati robur Diuus Hyaanthus ingenerauerat. Horrenda siquidē uertigo rerū, eius mortem secuta fuit. Nam & duces qui tunc nationi Polonicae praesidebant, acerrimis adinuicem bellicollidebantur, & cū Tartaris, Lithuanis, Massagetis quos Samogitis uocamus, cum Ruthenis, Pomeranis, Prutenis, & alijs gentibus, quorū nomē & memoria per Polonos deleta interijt, & cū ipsis interdū Germanis pugnatū est, adeo quidē periculose, ut altero anno post obitum Diui Hyaanthi Tartari nostrorū inquietudine freti, Sandomiriā & cū arce occupauerint et populi sint amplissimas Poloniae regiones, nullo genere crudelitatis intermisso. In illa tamē miserrima temporū cōditione, tam firma fuit religio, diuinus cultus tam seruens, ut tum quoq; sancti uiri, sanctae feminae, & sanctae uirgines maxima etiā edentes miracula, nō deessent. Tantū Diui Hyaanthi doctrina in oēs regni partes diffusa cōstantie dabat. Cōuenit igitur ut in his fidei sacrae tumultibus Hyaanthus quoq; legatur. Sācturq; q; sicut tūc Christi religio, illū, cū luone patruo multarum ecclesiarū fundatore ac dotatore, de domo uestra, fidissimum habuit instauratōrē. Sic te nūc charissimi Germani auxillio fultū, habet fortissimū defensorē, & iūctissimū consiliariū Serenissimo Regi, cuius magnanimitate & prudētia, totū sacrae fidei robur, adeo est in hoc regno mutūtū, ut ipso uiuente nec hostiū armis, nec haereticorū prauis adinuentionibus possit unquā conuelli. Quē deus omnipotens nobis, illi uero te, sanum & incolus nem praestet. Vale, diuq; Hyaanthi, ut & ipsti, causam prosequere.

DE VITA ET GESTIS DIVI
HYACINTHI.

DVm sacris calamos rebus miscere profanos,
Et tua gesta, legens e multis pauca, referre,
Dive Hyacinthe paro, uires intende pusillas
Et rege, teq; tuæ genti permitte legendum,
Humanæ non laudis egens, non ut tibi curæ
Gloria mortalis fuerit, qui sede potitus
Etherea, magni frueris mercede laboris.
Propter eos memorare sinas, quæ gesseris olim,
Quos procul a recto ducit temerarius error
Tramite, perpendant tua quid uestigia nobis
Tot signis impressa notent, certūq; sequendi
Exemplar, tanto fatorum in turbine profer,
Cernere te ut possint tenebris immersa profundis
Pectora, cœlesti cœlestia uoce docentem.
Quæ si defunctis uitam præstabat, & agris
Tam celerem morbi requiem, subitamq; salutem,
Forsan eos quorum deliria proxima seruent,
Exitio populi, quorum grauis æstuat ardor,
Ut cupiant adeo pessundare cuncta, mouebit.
Vel saltem excutiet populi de mente Poloni,
Ne, syncerus adhuc, uicina peste laboret,
Sed potius teneat firmoq; in pectore seruet,
Quæ nostri sub te patres, didicere magistro,
Et quoniam noua quottidie miracula cernunt,
Quæ sine fine gerit per te diuina potestas,
Qui nescit sciat hinc paucis, tua quæ sit origo,
Quis patriæ locus, & quæ uitæ norma beata.
Hæc modice attingens breuiter percurrere nitar,

Figendam ut tumulto possent implere tabellam,
 Vtq; moram properans nequeat culpae uiator
 Prospiciam. Si plura uoles cognoscere lector,
 Non graue sit ueteres fidosq; reuoluere libros,
 Nam pia simplicitas & fraudis nescia patrum,
 Multa uiri nobis uitae monimenta reliquit.
 Multa etiam praesens iuratis testibus aetas
 Comperit, atq; palam nulli dubitanda notauit.
 Imprimis igitur patriae loca nota sequamur.

Exortus fuerat quadam regione Polonus.
 Opoliae, uillam lapidis cognomine dicunt,
 Qua uocitatus erat patrio Camensis ab ortu,
 Nobilis ex armis, quae nomine dicta uetusto
 Excoriata notat serpens, haec nunc quoq; regno
 Est satis insignis domus ac opulenta Polono,
 Praecipuaq; uigens magnorum laude uirorum,
 Vix etiam maior titulifq; insignior extat
 Seu quis opes altos seu quis perpendat honores.

Ipsae Hyacinthus erat teneris coniunctus ab annis,
 Iuoni patruo, hoc mores formare magistro,
 Et consanguineo iuuenilis coeperat aetas.
 Nam fuit hic Iuo uir prudens, artibus ingens
 Et uirtute grauis, magnoq; insignis honore
 Cracouiae praesul, Qui postquam magna nepotis
 Incrementa uidet, cuius prudentia uirtus
 Ingenium, grauitas, maturos uinceret annos,
 « Accipit in gremium fratrum, non sanguinis ulla
 Non ratio est attenta domus, quae saepius effert
 Indignos & nil penitus uirtutis habentes,
 Ut tantum caderent animi grauiore ruina.

Attonitus solo raræ probitatis amore,
Hunc Iuo Antistes promouerat, inde modestis
Sumtibus externas instructum misit ad artes.
Illic impendens doctrinæ tempora sacrae
Qua res diuinas sensu comprehendat acuto
Inuigilat, summam commendans moribus artem,
Humanæ & pariter diuinæ dogmata legis
Huc referens redijt doctissimus, atq; fauore
Percelebris populi. Paruo post tempore Romam
Cum patruo uenit, tum certa negotia templi
Acturo, pietas pectus iuuenile trahebat.

Sed tum forte, suam rem diuus Dominicus egit,
Vt ualidum robur Romanæ sedis haberet
Legitimoq; sub imperio quærebat ut esset
Regula, quam primus magno plantabat in orbe.
Vtq; uiri uirtus fieret manifestior illic,
Ipsa cardinei quendam patris urbe nepotem,
Defunctum ad uitam per fortia uerba reduxit.
Vidit ut hoc Iuo fidi pastoris adimplens
Officium, ad sanctum patrem peruenit, & orat
Vt fratres aliquot mittat, quos ducere secum
Ad patriam possit, quibus hic authoribus ordo
Fundetur. Nullos uir sanctus dixit habere,
Sed sibi det de gente sua quos uellet, ut illos
Acceptos doceat, si qui sunt talibus apti,
Et placitura deo si quorum pectora nouit.
Sunt ait hic, nec enim prauis comitantibus issem
Tam procul a patria, numerum modo profer, at ille
Tres satis est inquit, tandem uenerabilis Iuo
Ceslaum, simul Hermannū dedit, atq; Hacyinthū,

Actaq; res illic fuerat, post mille ducentos
Sedecimo numerans a partu uirginis, anno,
Quando uiri nigros super inducere cucullos.

Quos ita uir sanctus postquam uestiuit, & altis
Moribus excultos, anno dimiserat acto
Iuoni, doctos & normam rite professos.
Urbe abeunt sacri spargentes semina uerbi.
Res noua permouit populos, lateq; uagatur
Sermo dei, cuius facundia motibus arsit,
In Frisacensi claustrum prius urbe locarunt,
Successuq; nimis celeri, statuere probatos
Præsbyteros, Hermannus erat præfectus in illis.

At duo Cracouiam ueniunt, grateq; recepti
Constituunt templum, fratres cumulantur, & ordo
Instruitur uitæ durissimus, ipse Hyacinthus
Aspera pane & aqua se per ieiunia tendens,
Nodosus solitus corpus laniare flagellis,
Liuida fumanti turpabat membra cruore,
Sic animo cogens corpus parere subactum.
Tam precibus uigilans, ut totis sæpe diebus
Absumptis, totas proluxa precatio noctes
Continuet, nec cura cibi poscente subibat
Tempore nec potus, dum sacro perstat in actu.
Cuius mos fuerat, si quando uidit egenum
Aegrotum, miserum, seu quauis sorte grauatum,
Aut flentem, subito flens acriter ipse recessit.
« Ad latebras templi, quod si procul esse uidebat,
Ibat, & attendens quisnam secretior illic
Sit locus, hoc genibus flexis orabat, acerbos
Tum lachrymis fundens gemitus, ut maximus alta

Despiciens ex arce Deus, miseranda leuaret
Pondera fortunæ, mæstos augmenta luctus,
Et clemens homini solatia præbeat illi.
Talia communis populi patronus agebat,
Sola nocte preces agitans, totisq; diebus
Sermo dei cuncta populum regione pererrat.

Et dum sollicitè communibus incubat actis
Nox erat assumptæ qua festum uirginis instat,
Hac templo uigilans in contemplatibus altis,
Anticipat precibus diuæ solennia matris.
Ecce autem lux in tenebris immensa refulsit,
Aspicit, ut genitrix Christi se desuper infert,
Cœlesti comitata choro, altariq; resedit,
Ante quod ipse suis precibus pendebat. At illa
Care inquit fili, gaude, nam grata meo sunt
Nato quæ geris, & quæcunq; precaberis illum
Per me cuncta feres Hyacinthe, parumq; morata,
Cum fulgore suo sursum sublata recessit.

Dixerat ipse suis paulopost fratribus illud,
Tam pulchro cupiens animos incendere uisu,
Vt libeat cunctis diuæ seruire parenti.

Inde pium pectus subiit fiducia maior,
Multa suis audet precibus, multisq; latent
Officio prodest, quos fors humana grauabat.
Maxima iam passim per eum miracula fiunt.

Petrus Profouius, fluuio qui Vissula dicitur aëo,
Tempore, rectius hoc qui Vissula dicitur aëo,
Mersus erat, miles præclaro nobilis ortu.
Magno concursu populi quæsitus in undis
Atq; repertus erat, iacuitq; informe cadauer,

Præuius, & multis ualidum | spectantibus amnem
Transiit, optatumq; locum cum fratribus intrat,
Inde profectus abit, lateq; perambulat orbem.
Præcipue gentes ubi linguæ calluit usum
Irrequietus adit, superatq; Borysthenis alueū,
Qua se frugiferis ingens Roxania campis,
Tendit in immensum rerum ditissima, tandem
Kiouiam uenit, templum fratresq; locauit
Ordinis istius, iamq; instaurata recepit
Religio uires. Nam Pauli dogma secuta
Gens fuit, & nondum perfectum robur habebat
Sancta fides in ea, tum primum lumen adepta,
Quando uiri late sonuerunt uerba beati.
Vtq; foret populo sermo magis utilis illi,
Addita firmabant dubias miracula mentes.
Sed cito fama uiri tota regione cucurrit,
Verba dei cupide sunt omni gente recepta,
Quæ magno quartum studio produxit in annum.
Cunctaq; recta uidens & firma in gentibus illis,
Templa dei multo passim resonantia cultu,
Ad patrias iterum statuit decedere terras.
Non secus ac proprium regio deserta parentem
◀ Flebat, iamq; suis cœpit diffidere rebus,
Dum se destitui tanto uidet orba patrōno,
In cuius precibus pacem sperare solebat,
Quamuis immineat sæuus ceruicibus hostis,
Iamq; ualedicens, monitus pro pignore linquit
Fratribus & populo, doctrinæ semper ut essent
Acceptæ memores, quam per tot tradidit annos.
Sic abiit pro se Godino fratre relicto.

Magna etiam nostro durant monimenta sub æuo,
Præcipuumq; illic Hyacinthi nomen habetur,
Et resonat sacro titulus baptismo creber.
Sub quo, gente in ea, celeberrima templa uideri
Ditæ muneribus, cultuq; frequentia possunt.
Magna libens quædam taceo, quæ gesserat illic
Dum nequeant per me nisi pauca domestica dici,
Pars maior proprijs libris congesta legatur.
Quæ populi multo passim uersatur in ore,
Per uarios etiam terrarum nota recessus.

Prò dolor hic iacuit multos neglectus in annos.
Sic solet in patria uilescere quisq; propheta.
Contigit hoc Christo, non est mirabile quando
Cernitur in famulis. Sed nos incuria patrum
Degravat, atq; utinam nostro contingat in æuo.
Dum non furtiue, sed æpertis poscere uotis,
Tam certam possimus opem, passimq; canantur,
Et resonent templis, quæ sic suppressa latebant.
En ego confiteor, non paucis proximus annis,
Nesciui quis erat, donec prostratus & ager
Edidici, tamē hæc quæ sunt incepta sequamur.

Kiouia tandem Gdanam uenisse relicta
Constat eum, maris oceani qua littora feruent,
Externis ualidam complementia mercibus urbem.
Inqua (more suo) claustræ fundamina iecit,
Firmans mirandis labantia pectora gestis.
Ordine composito, tandem fuit inde profectus
Ad patriam, cuius magno reuocatus amore est.

Cracouiam uenit tota gratissimus urbe.
Fama subit mentes horum quæ gesserat ante.

Insignis sermone dei loca multa peragrat,
Instituens populos, communis cura salutis.
Pectore peruigilat, nusquam miracula cessant,
Ut sua non desint diuino pondere uerbo.

Venerat ad quandam uillam, quā nunc q̄q̄ prisco
Nomine Costelium dicunt, segetesq̄ coloni
Grandine concussas flebant, quas desuper alta
Turbo ruens glacie, totis contriuit aristis.
Hiq̄ rogant ab eo rebus solamen acerbis,
Iamq̄ fame dicunt misera moriemur. at ille
Flere uetans orare iubet, tum nocte peracta,
Crastina lux aperit reparatas ordine messes,
Nullaq̄ uisa grauis fuerant uestigia damni.
Cum lachrymis ad eum quædam Felicia uenit,
Nobilis atq̄ grauis matrona, hæc iuncta marito,
Iam tum uiginti sterilis permansit in annos.
Dumq̄ ideo despecta foret, rogat anxia sancti
Auxilium cœleste uiri, ne prole careret.
Ille redire domum iussit, solatia pandens,
Namq̄ ait insignem natum paries, & ab eius
Semine pontifices prodibunt atq̄ potentes.
Res fuit euentu uerbis constante secuta.
Et duo sunt pueri, quos Vitostlaui mater
Ediderat geminos insignis scœmina cœcos,
Et septem turbata domi nutriuërat annos,
Hoc orante uiro perfectum lumen adepti.
Actaq̄ res sub monte fuit, qui continet arcem
Cracouiam, quando sermonem Hyacinthus adibat
Acturus populo, qui multus uenerat illuc.
Nam Stanisłai translatio martyris ipso

112
Festa die celebrata fuit, longinquaq; plebes
Viderat hoc factum, quo res illustrior esset,
Et doctrina uiri magis auctum robur haberet.

Mersus item puer est fluuio qui nomine R. haba
Dicitur, insignis matronæ filius, illa
Prebislaua fuit patrio de more uocata.

Quæsitus nulla reperiri parte ualebat,
Nam tumido flumen fuit intractabile cursu.
Tunc Hyacinthus eo uenit gratissimus hospes.
Cuius ut ante pedes genitrix abiecta iacebat,
Hinc abit atq; orat, ripæ mox sponte cadauer
Aduerso fluuio currens impellitur, inde,
Ponitur in sicco, ueniensq; resuscitat illud,

Talia multa gerens nimis admirabilis orbi
Arctoo, postquā procedere singula magno
Profectu uidit populi, curamq; salutis
Omnibus inductam, rectissima pectora fratrum,
Vnde ruant late diuini semina uerbi.

Cunctaq; iam sine se quando fore firma notasset,
Decessum magnis precibus mortemq; petiuit.
Dissolui cupiens & se coniungere Christo.
Audierat deus omnipotens hæc uota precantis.
Extremumq; diem famulo prædixit & horam,

Assumptæ festum ueniebat uirginis, in quo
Coelitus ostensum & prædictum tempus habebat,
Præueniensq; diem, caros ex ordine fratres
Alloquitur, iam se diuinitus esse uocatum
Nunciat, inculcans non paucis hæc tria uerbis.
Este humiles quæso, per mutua semper amoris
Vincula coniuncti, sic paupertatis habete

12
Susceptæ studium, sitq; unica testamenti
Illa mei series, nam quæ dedit ordinis author,
Hæc etiam uobis moriēs præcepta relinquo.
Vtq; dies uenit, quam fratribus ante notarat,
Orando postquam solitas expleuerat horas,
Et sacramentum læto cœleste recepit.
Pectore, mortuus est fratrum plorante caterua.
Mille ducentenos tunc quinquagesimus atq;
Septimus excepit mensuram temporis, annus,
Quando deo gratæ soluit retinacula uitæ.

Dumq; sepultura est populo celebrata frequenti,
Inciderat noua res, quo mors insignior esset,
Et quo pectoribus doctrina tenacius hæsit,
A sancto percepta uiro. Nam forte Zegottus
Nobilis & præstans iuuenis, uersare furentem
Cœpit equum, latoq; ferox decurrere campo.
Et qua prospectus latus Clepardia tendit
Planicie, simulachra sibi uersabat equestris
Conflictus, casuq; graui concussus, in ipso
Expirauit agro, multumq; parentibus infert,
Et consanguineis inopina morte doloris.
Quem multi ad tumulum luctu resonante ferebant.
Tempore non paruo iacuit perlatus, & omnis
& Confluxit populus, uelut experientia tanti
Non sit nota uiri, cunctis dubitantibus, inter
Arctatos tumidum iacuit luenſq; cadauer.
Et graue murmur erat, nil iam superesse sepulco,
Extinctum gelida uiuentis morte uigorem.
Sed tamen expectant quo se res sine resoluat.
Postquã una ad tumulum iacuisset & amplius hora,

Iam desperatus, ueluti depressa profundo
Membra leuat somno, quædam miranda locutus
Defunctiq; palam magnos narrabat honores.
Exhortans cunctos, ut pectore uerba tenerent
Illius memori, uere diuina fuisse

Omnia quæ dixit, uel toto tempore gessit,
Et dicens summo grates laudesq; tonanti,
Integer, & multis illinc comitantibus iuit.

Non paucis etiam se post sua fata uidendum
Præbuit hic sanctus, uita specieq; superna.
Idq; fidem populi firmauerat ante uigentem
Sponte sua, cuncti certatim uota precesq;
Instituunt, rebusq; suis succurrere totis
Viribus insistunt, quos fors onerabat acërba.
Euentusq; leui contingere multa uidebant.

Inter quæ mulier paralyti tacta, semestris
Tempore decumbens, mox ut portata iacebat
Ad tumulum, pedes hinc populo mirante recessit.

Quando Boguslai langueret filius hydrops
Militis, & speciem iam iam morientis haberet,
Nec pater auxilij quicq; superesse uidebat,
Vouit eum ad sancti tumulum, simulatq; fuisset
Illatus, subito sanus surrexit, & inde
Digrediens alacer læto cum patre recessit.

Nobilis alterius proles fuit unica patris
Filius, indulgenter eum lauteq; fouebat.
Decubuit lecto, post paucas mortuus horas.
Quem sua concursu magno uicinia flebat.
Ad tumulum tamen hunc mœsti uouere parentes
Defunctum, media qui tandem nocte reuixit.

111.
Tempore cuncta suo fuerant notissima teste,

Fide ministerio pollens uirtute puella,
Cuidam matronæ teneris adiuncta sub annis
Seruierat, uitulūq; dari sibi forte rogarat,
Qui datus est, manibusq; suis hunc sedula pauit,
Donec uacca foret, cūctas statuebat in illa
Paupertatis opes, & tandem mortua mouit,
Ingentes miseræ lachrymas, cursimq; tetendit
Ad sancti tumulum, firma spe nixa petiuit
Auxiliū, tanti quærens solatia casus.
Dum redit, excoriata fuit iam parte iuuenca,
Et uelut aduentu dominam sentiret in ipso,
Sic se præripiens, Lanio fugiente, cucurrit.
Integra, nec referens laceræ uestigia pellis.

Dicere si uellem per iuramenta coactos
Vera loqui testes, quibus affirmare licebat
Omnia quæ scribo, uel quæ longissima linquo,
Vix ualeat noster comprehendere nuda libellus
Nomina, resq; foret nimis importuna legenti.
Si cæcos, claudos, surdos, linguæq; carentes
Officio, uarijs si languida corpora morbis,
Complecti uerbis aut expirantia uellem,
Quæ meritis huius sancti sanata liquebat
Perfecte, & nulla languoris parte retenta.
Non possem tenues in eo contendere uires,
Qui mihi cum longis rebus nihil esse uolebam.
Prætereoq; libens, quoties letalia multis
Vulnera sanauit, uel sparso fracta cerebro,
Vel procul absectis iterum cocuntia membris,
Plurima dum cupio nimium breuis esse relinquo,

Et quæro celerem uerbis imponere finem.
Vt tamen ex istis perpendi cætera possent,
Quæ sunt innumeris manifeste testibus acta,
Et populum fama passim diffusa per omnem.
Plusquã triginta defuncta cadauera uitæ,
Tam uiuens dederat q̃ post sua fata, fugaci.
Totq; uirum factis insignem summus ab alta
Reddidit arce deus, tales exauxit honores
In terris, tam multa gerens miranda per illum,
Declarare uolens orbi, suffragia quantum
Ponderis obtineant in cœlo semper eorum,
Quos sibi participes Christus, regniq; paterni
Esse cohæredes uoluit, quos fœdere iunxit
Sanguinis innocui, pariter diffudit in illos
Vim patris, humano tendens sub nomine robur
Diuinum, cuius de nutibus omnia fiunt.
Illud erat quondam prædicere, uos estis dñi,
Nam ueluti summo sunt insita membra tonanti,
Quorum magnificum caput est & nobile Christus.
Quo nihil est quod eos non posse authore putemus,
Infixis etenim grandes hoc uite feruntur
Palmitibus fructus, in eis sua robora profert
Filius, ut genitor totum se fundit in illo.

Et dum se nobis adeo cœlestia miscet
Vt sacer humanis impressit uincula rebus
Sanguis, & astrinxit magno mortalia nexu,
Miror inhorrescens, quidnam sibi uelle uidetur
Hæc noua relligio, uibrans authore Luthero
Sacrilegas leges, templis ut detrahat auri
Quicqd habet, superos precibus uetat esse colēdos.
Et uelut indignos sacrato limine pellit.

16
Nec sua permittens diuæ solennia matri,
Quæ sancti statuere uiri, cantuq; frequenti,
Tempore tam multo coluit longeuâ uetustas,
Et celebrat laudes totus communiter orbis.
Quinetiam gentes quamuis neq; dogmata Christi
Optima nouerunt, matri sua uota precesq;
Instituunt, & opem uerbis ac mente requirunt.
Ipsaq; terribilem stupefacto dæmone clamant
Tartara, quam semper metuunt uiresq; fatentur
Vsq; adeo nostræ laqueos terit illa ruinæ.
Commoda solus homo sua nondum scire uidetur.
Præstiluunt fines, intra quos summa potestas
Contineat robur, nec se per singula fundat,
Nec sua sanctorum manibus permisceat acta.
Tanquã diminui complectens omnia posset,
Quando per innumeros longe plenissima riuos
Labitur, ex uno tantummodo fonte profecta.
Et quasi cuncta fouens, & uiribus omnia complens,
Se minor esse queat. Sed dum nec crescere possint
Talialia nec minui, sunt summa ac integra semper.
Huic ne ligare manus, qui pugno comprimit orbẽ?
Prodiga lingua paras, quid ei præscribere fines,
Extra quem nihil est, uano molimine tentas?
Scilicet iccirco demortua corpora uitæ
Restituit deus, aut morbis infracta refirmat
Sanctorum manibus, populo spectante frequenti,
Falleret ut uulgus miserum. Sic forte zophistas
Cœlestempatriam solos intrare necesse est.
Puraq; simplicitas inferno truditur orco.
Nemo tamen dubitat rem per contraria uerti.
Non opus est logicis absolueret sensibus ista,

Quæ sunt nota satis cœlestibus argumentis.

Sed mirum non est, si quos furor impius aufert,
 Et procul a recto diuersos tramite ducit.
 Mens stupuit, q̃ tam tenui diuellimur aura,
 A ueterum ritu, quem constituere probati et
 Insignes uirtute uiri, pro quo sua diræ
 Corpora permisere neci, magnosq; labores
 Sunt super hoc passi, quorum monimenta per orbē
 Cernimus, & ne res cuiquam dubitabilis esset,
 Cœlitus acta fidem firmant miracula nostram.
 Et satis ostendunt, nihil his erroris inesse,
 Quæ nostri multos parres tenuere per annos.
 Heu quam lapsa leui uento & conuulsa feruntur,
 Solo fautorum numero, qui turbine rapti,
 Templorum spolijs inhiant, sperantq; rapinas.
 Dumq; subesse uolunt nulli, dum cuncta licere
 Permittiq; sibi cupiunt, sub imagine recti,
 Insidias statibus magnis, intendere pergunt.
 Sede sacerdotes alta depellere primum
 Aggressi, tandem re succedere, prophanis
 Principibus, stolidæ uires incumbere plebis
 Sponte sua incipient, facilis uictoria, multis
 In paucos simul irrumpentibus, illud in ipsos
 Quod uotis aluere malum, latiq; ferendo
 Firmauere satis, cito post migrare necesse est.
 Ut fati series, & temporis ordo requirit.
 Falluntur quicunq; sibi promittere finem,
 Rebus in his facilem sine fluxu sanguinis, audent.
 Ingentes odij motus, furibundaq; uulgi
 Pectora commoti proceres faciabitis ante,
 Cadibus innumeris, quam res incepta quiescet.

Quam poterit noua secta suas attingere metas,
Quas sibi proposuit, quas stulto pectore uoluit.
Sic res & merito per uos neglecta luetur
Ni deus illorum prauis conatibus obster,
Cunctaq; ni legum teneat labentia frena,
Monstraq; communem reprimat spirantia pestem.

In mundum Christus ueniens legatus ab alto,
Naxima per proprias edens miracula gentes,
Non potuit mentes hominum perducere, rectum
His ad iter monitis, quæ sunt a patre profecta.
Cur ita? nam mundo contraria quæq; docebat.
Ecce hominem cursim post unum cuncta feruntur.
Dulcia dum profert, ostendens mella, sed altam
Fellis amariciem uincencia, si modo finis
Et cum principijs possent uentura uideri.

Nō ut cuncta adeo placeāt, quæ prisca tenemus,
Cunctaq; displiceant, quæ uult inferre Lutherus,
Mos est mixta bonis mala uendere, sed sine sensu,
Sed sine respectu quouis, & prisca relinqui
Et subito noua quæq; rapi conterritus odi.
Nanq; timor subit, atq; malū mens concipit omen,
Venturumq; breui uereor, dum lapsa ruinam
Religio trahat ingentem, contraria uero
Dum capient robur, magno & firmentur in orbe.
Prestabat ueteres ritus, per uincla teneri
Fortia, q̄ quæuis specie meliora subire.
Atq; aperire uiam, qua quæuis pessima currant.
Si fera custodes pellat uiolentia fortes.

Non procul a nobis colubros uenerantur, & altis
Arboribus libant homines, in flumina fruges
Proijciunt, numenq; dei fluualis adorant.

Ludere quem per aquar contorta uolumina cernunt.
Et ne uana fides temereq; exorta putetur,
Voluitur & totis uox horrida murmurat undis.
Arbitrioq; dei fortunæ commoda uerti,
Fœturæq; gregis credunt momenta teneri
Illius, ut taceam deliria cætera gentis.
Isti post aliquod tempus, sua sacra nepotes
Instituent nostros, postquã uestigia nulla
Templorum, tota patrum regione uidebunt.
Vel nil quod mentes moueat, quod lumina pascant,
Et quod suspiciat plebes, cernetur in illis.
Propterea patimur picturas, organa, cantus,
Et diuersarum ferimus modulamina uocum,
Carminibusq; sacris, aures mulcemus inertes,
Ut puer hinc etiam primos infuisceret annos,
Et cum lacte suæ fidei primordia sugat,
Quæ pariter tenero sumant cum corpore uires.
Auratas uestes atq; aurea uasa sacramus,
Ut teneant animos, donec præcepta salutis
Concipiant, uerbumq; dei firmetur in illis,
Atq; suos semen faciat cum tempore fructus.
Sic olim Christus sua per miracula turbas
Detinuit, formans animos sic corpora pauit.
Cœlestes solitus rebus miscere prophanis.
Interdum blanda uerbi dulcedine mentes
Leniunt, interdum sæuo terrore grauauit.
Terribiles addens post maxima præmia poenas,
Nec nisi terrenis utens cœlestia nobis
Tradidit exemplis, caute uersabat inertes
Mille modis animos, modico ne rumperet egit
Cum diuis flexu, paulatim corda subintrans,
C in

Monstrauit qualis foret optima forma docendi.
Et uelut author erat sanctis, qui plurima templis,
Pene superuacuo ritu seruanda dederunt,
Propter eos quorum res non satis esset adulta.
Perfecti rudibus concedere talia possunt,
Dum soleat Christus magnis præferre pusillos.

Turcis religio ac Iudæis prisca manebit,
Quam natis etiam commendet sera uetustas,
Et magis atq; magis semper sua robora tollet.
Nos pecorum in ritus, paucis mutabimur annis,
Quando inuenta patrum templis emota silebunt.
Missarum totus quando delebitur ordo.
Hoc erat ut terras sermo diuinus obiret,
Inculcans longis sua uerba laboribus, inter
Effrenes populos, ut tandem recta sequentes,
Præcipiti stygius peruertat turbine uentus.

Diuis Dominicus an post tot damnabitur annos,
Francisco censor delabitur hic nouus, idem
Et Bernardinis, res est damnosa, cucullos
Detrahet, ut studeant mundo conformia ferre
Compita liberius peruadant lustra, popinas,
Ne quid eis habitus notum discrimen obesset.
Matronis itidem sua iam uelamina demat,
Subiectas proprijs etiam uetet esse maritis,
Ne quid adulterijs & factis turpibus obster.
Sola ut libertas scelerumq; licentia regnet.
Claustra relaxentur tanto secura sub æuo,
A sanctis fundata uiris, habitata per ipsos,
Moribus aucta bonis, exemplis horrida duris,
Quam leuiter pereunt, sic instigante latronum
Signifero, cæci obsequimur, rapit improba prædæ

Spes homines ad grande nefas ut truat avaros,
Cunctaq; subijciat scelerate sana rapina.
Sed tamen est auro leuior iactura sublato,
Regula si uitæ maneat, cur uota resoluunt,
Per quæ multa patres mala declinare solebant,
Quaslibet illecebras mundi, per seua furentis
Toxica, uel firmos procul auertentia sensus,
Cernere ne possint ueræ præcepta salutis,
Dum mirantur opes, & credunt turpe carere,
Instantes demum per fasq; nefasq; parandis,
Paupere cum Christo sibi nil commune relinquunt,
Mancipiumq; rei uilis miserabile fiunt.
Sic ne breuem magno rerum discrimine cogunt:
Fluctibus in medijs scelerum traducere uitam:
Fratribus indicunt connubia uirginibusq;
Nubere conclusis suadent, nullosq; recessus
Permittunt, ubi sit summo seruire tonanti
Libertas, multis temere interdicta per illos.
Qui sibi dissimiles detrudere tramite recto
Et proprijs cunctos immergere sordibus optant,
Atq; ligant laqueis depulso cælibe uoto.
O rabies sceleriq; furor deuote nefando,
Vnicus hic modus est, in quo perfectio uitæ
Cõstitit, hic gradus est summus, quæ dogmata Christi
Suspiciunt, & nulla uia est securior inter
Dæmonis insidias, hanc unam corpore nobis
Prætulit ipse deus, supra præcepta relinquens
Omnia securam, & quæ sit procul a complexu
Fœmineo uoluit paucis hanc ponere normam.
Quam uelut illicitam uos explosisse uidemus.
Dum stimulat mentem uecors ac facta libido.

72
Terrificatq; iuuat stipulam committere flammæ.
An quia uos scabies coquit, & prurigo perurit?
Viuere iam nulli casto licet, ut quia porco
Conditio dura est, pereat sine complice turtur.

• • • Hanc stygio legem sic promulgante tyranno.

• • • Post illam rapido currit sua turba tumultu,

• • • Tam bona proposuit lætali pignora metæ.

• Scilicet hoc super est, per quod succurritur orbi

Qui periturus erat, nisi uirgo clausa ruinam

Fulciat humani generis, positisque cucullis

Liberior uetito nisi ludens monachus aruo,

Pro Christo, totos meretrici seruiat annos,

Summittatq; iugo sensus & colla molesto.

✱ Quod nimium pauci sine certa labe tulerunt.

Vlq; adeo primæ durant errata parentis.

Quærimus hoc saltem, quo ceditur ista potestas,

Per quam tot sanctos patres damnare licebat?

Si deus ut credi tibi uis insignia profer

Digna deo, ut tolli diuinitus acta feramus,

Quæ sancti tenuere uiri, quæ spiritus egit

Diuinus, siquidem Christus promiserat olim,

Quod toto ueniens promissus desuper æuo

Nobiscum mansurus erat, dubitem ne per illum

Condita, quæ nobis sancti statuere tenendum,

Et ne quid dubij uel post sua fata relinquant,

Firmarunt hominum dubias miracula mentes.

Propterea me sic semper uetus orbita ducat,

Quam puero cari designauere parentes.

Quod statuunt homines prælati, dummodo non sit

Aduersum legi diuinæ, dummodo secum

Pondera nulla uehat scelerum, sim ferre paratus.

Sub duce priuato timor est, ne dum mala uito
 In peiora cadam, nec sit discernere nostrum
 Quæ bona uel mala sint, ecclesia sanciat illa
 Quæ noua adinueniens uis me præferre uetustis,
 Non ea quæ plebs in triuñs clamorosa sacrauit.
 Inter quos melior ui pars perfracta silebat.
 In licitis obedire uolo mandantibus illis,
 Quos tanto strepitu deus in sublimia uexit,
 Vel fore permisit, quid enim prohibere uelimus,
 Quæ patitur qui cuncta potest, & cuncta gubernat.
 Si quid auariciæ furor intermiscuit amens,
 Et si tam multos dominandi feruidus ardor.
 Abstulit, & quæuis faciles in lubrica torfit,
 Ne qua parte gradus possint firmare labantes.
 Si quos, pastorum prætexto nomine sæuos,
 Cernimus esse lupos, & si quos forte superbos
 Pro patribus dominos, importunosq; tyrannos.
 Sacros indigne si qui mercantur honores,
 Et rapiunt quæ sunt uirtuti debita puræ
 Viribus aut precio, uel quauis arte maligna,
 Talia sunt quædam uanæ ludibria fortis,
 Et quæ nil animis cœlesti sede profectis,
 Optima si teneant Christi documenta, noccebunt,
 Authoresq; suos tantum modo perdere possunt.
 Si tamen his etiam longe grauiora subirent.
 Non ideo tolli & confundi recta merentur,
 Nec decet ut cunctis in cuncta licentia fiat.
 Anne Lutheranis ideo parere decebit.
 In quibus ut taceam, quæ turpi dedita famæ
 Sunt probrosa satis, nil præter uerba uidemus
 Impia, pestiferum tantum ructantia uirus.

Quæ totis etiam turgent incondita libris.
Qualia lingua mero grauis, accedente furore
Proijcit in uentos, dum iam manus ebria seuum
Corripiens ferrum, rabiem stimulauit acerbam.
Quæ si quis sensu secum perpendet acuto,
Nil ueræ pietatis habent, longeque recedunt,
Atque auersa procul Christi uestigia linquunt.
Sed tamen obsequio plebis præclara uidentur
Sæductæ, multis etiam diuinitus orta.
Post quæ iam passim studiis ingentibus itur.
Sic Antichristus ueniet, sic dulcia secum
Afferet, illecebris sic olim pectora blandis
Molliet insidias tendens, multosque dolosis
Artibus & prauis lufos ad tartara ducet.

Quas igitur laudes rex Sigismunde mereris?
Qui ueluti pelago rupes imperuia uentis,
Fortiter insultus toleras, fluctusque repellis,
Qui tua uicino fremitu præcordia turbant,
Et magno populi pastorem robore præstas.
Nec tantum tibi sunt humana negotia curæ,
Dum pacem præbes populis, ceruicibus hostes
Depellis ualidos, quos nostri cæca cruoris
Fert sitis in cædes, dum publica commoda curas,
Et tibi subiectos æquata lance gubernas.
Sed uirtute pari, seruas cœlestia nobis.
Dumque caues ne quid gentem uicina lædat,
Doctores dubios a regni finibus arces.
Hi spoliare iubent auro delubra sacratio,
Et cantus abolere pios, & cerea tolli
Lumina, tu totum perstas augere decorem,
Templaque diuinitus longemaioribus ornas,

Vt magis in populo possent augusta uideri,
Firmaq; sancta fides ut successoribus esset.
Hi stolidi clamant, sanctos non esse ferendos
In templis, simulachra iubent efferre uetusta,
Tu sanctis ornare nouis delubra laboras
Vera tenens, horum quæ sunt contraria uerbis.
Quanta Hyacinthus agat pandis miracula Romæ,
Germaniq; tui Cazmiri gesta reuoluïs.
Et nimium dignos numeris cœlestibus inferis.
Hoc precor ut facias, & reclamantibus illis
Templa suo semper tua sint ornata decore.

Non quia templorum summo sit gratius ullum
In terris maiusq; deo, quam purus & omni
Labe carens animus, templum sibi construat intus
Qui gratas uult esse preces, & dignus haberi,
Vt sua uota ferat, tamen & loca quæq; saluti
Quærenda, dum sint tantis authoribus orta,
Illaq; tam longi dum temporis approbet usus,
Et ueluti quædam fidei incrementa tuetur,
Quis demens authore leui mutanda putarit.
Vt non firma satis proprijs in ritibus essent,
Et sanctos quoscunq; sua non sede tenerent.

Nam deus omnipotens illis sua facta ministris,
Immensa bonitate gerit, uulgatq; per orbem.
Nomina ut illorum magnis celeberrima gestis,
Hortentur miseros mortales, qua sit eundum,
Quod meditemur iter, tandem ut ueniatur ad illos
Altaq; tendatur per Christi dogmata, coetus.
Sic saltem cupiens duras intendere mentes,
Vt magis illorum se per suffragia tollant.
Hos etiam nostros clemens conuertit in usus,

Qui quando cœlum terras & cuncta creabat,
Diuerſis adeo compleuerat omnia rebus,
Per quas illius ſumma bonitate fruamur.
Vimq; ſuam paſſim diffudit, ut omne creatum
Nonnihil humano generi prodeſſe ualeret,
Sitq; nihil rerum, quod non ſua commoda ferret.
Sydera ſemper agunt, & terras ignea luſtrant
Viribus occultis (ut iam pauciſſima quædam
Commemorem breuiter) reddūt ſua dona uolucres,
Piſces atq; feræ, tot fructibus atq; metallis,
✱ Ipſa ſuis tellus cultoribus undiq; prodeſt.
Ligna ſuum robur ſequitur, gemmæq; colorem,
Commendant uarijs effectibus, exiguus flos
Herbaq; marceſcens, aliquid uirtutis habere
Prætendit, ſedimitq; locum quem ueſtit in agro.
Cultoriq; ſuo gratam ſe reddere curat.
Et nihil eſt quod quis fruſtra putet eſſe creatum,
Et quod non hominis manifeſtos tendat in uſus,
Vſq; & ad angelicos ſi cœtus cuncta reuoluas.
Hi nequeunt ſoli, propter quos omnia fecit
Omnipotens, quibus ille uigor ſe plenius infert,
Supplicibus prodeſſe ſuis, ſoloſq; ſequetur
Illos diuini communio nulla uigoris,
Qui ſunt unius cum Chriſto corporis artus.
Propter quos alto delabens æthere uenit,
Seq; indigna tulit terdenos anxius annos.
Vtq; illis plenos dilargiretur honores,
Viſus erat duro protendere brachia ligno,
Diductos clauis artus, in mæſta leuauit
Aera, quo terras aer circumfluus implet.
Sol tenebras amplexus erat, telluſq; tremore

Terribili montes disiecit, conscidit altas
Ingenti sonitu rupes, & dura resoluit
Marmora, cum domini est sacro contacta cruore,
Membra creatoris quando morientia sensit
Sæuis immixti latronibus, illa profecto
Illa dies fecit, quod nunc miramur in istis.
Quæ nunc ferre etiam non possumus, atq; nefanda
Carpimus inuidia, ne nobis commoda ferrent.
Plusue potest uobis marcens urtica receptis.
Viribus ex alto concedere, matre tonantis?
Aut alijs quorum semper benefacta uidemus?
Frustra nos certe frustra furor impie terres,
Ne superis sedes intra delubra daretur.
Niteris inuicem iunctos abrumpere Christo,
Quos astrinxit amor uehemens, imitatio uitæ
Aspera, quos fusus pro mundi crimine sanguis,
Reddidit excelsos, quid deturbare laboras
Motibus insanis, quid stultos concipis ictus
In Christi corpus, summiq; in uiscera patris,
Dum sibi consortes æternos lædere pergis.
Si quid in anguipedum confers exempla gigantum,
Qui uoluere deos alto depellere cœlo.
Horrissonum metuas fulmen quod triuerat illos.
Nos uero simplex populus, noua cuncta perosus,
Quæ sancti docuere uiri, teneamus oportet
Ne mentes aliquando uagas, malus occupet error.
Si tandem signo fuerit diuinitus acto
Persuasum, subito quæ sunt meliora sequemur.
Hæc tamen optima sunt, si rerum cesset abusus.
Si non quæramus per quæ iugulemur adepta.
Plura sed hic forsitan quam res exposulat egi,
D in

Hos etiam præter mentem manus attigit ægra,
Quorum pectoribus communia toxica feruent.
Ipla tamen celeri cursu portenta reliqui,
Nam stultus certe labor hic & cura fuisse,
Quos non sanctorum longe exactissima patrum,
Scripta mouent, horum uerbis tentare ruinam
Velle superuacuis auertere, nulla profecto
Est ratio, satis est non consensisse furori.
Hic tantum uolui de sanctis si qua liceret
Dicere pauca uiris, Hyacintho ne quid obesset
Quo minus in templis quæ nobis multa locauit,
Fundatorq; fuit primus, ueneremur & ipsum
Cum deus illius sit maximus author honoris,
Quem gens nostra & si ui depellatur adorat,
Tantum se meritis tam longo tempore fecit.
Quæ uel nunc etiam, nunquam cessare uidentur.
Sed te Christophorum, per quem Silouetia magnis
Omnibus est æquata domus, clamore monemus
Totius populi, nihil ut de more remittas
Conatuq; pio, uel si potes acrius instes,
Ne tanti monimenta uiri neglecta perirent.
Quæ nimis indigne multos latuere per annos.
Te consanguineum iam publica uota fatigant,
Solliciteq; rogant, dum Cancellarius huius
Atq; Palatinus regni supremus haberis,
Hanc grauidis cupias humeris superaddere curam.
Inuitat Clementis ad hoc clementia Papæ,
Spondeo id expertus, non est peruincere durum,
Si satis hæc norit, quæ nos manifesta tenemus,
Hunc ut legitimis sanctum ueneremur in aris.
Me uero proprij cogit uiolentia casus,

Venturum uotis etiam præuerrere tempus,
 Et populo miscere preces, sed pectoris alto
 Cætera secessu, claræ permittere uoci
 Hoc satis, o quantum es miseros audire paratus,
 Diue Hyacinthe tuo qui spem de numine ducunt.
 Respice me geminis pariter langoribus ægrum,
 Hinc animum peccata grauant, hinc effera corpus
 Vis onerat morbi, breuis est iactura secundi,
 Sed uir sancte tibi sim commendatus utroq;
 Disparibus uotis. Nam si nocitura uidetur
 Alterius quæsitæ salus, hac parte dolores
 Quæ quamuis ualeat, cito sit peritura, recumbant.
 Illam fortunæ quæuis tormenta fatigent.
 Si tamen absq; graui damno, res utraq; posset
 Robur habere suum, sub conditione uocatus
 Profer opem precibus lapsos in corporis artus
 Erumnasq; meas cœlesti comprime nutu.

AD LECTOREM.

Hoc opus exegi medicis prohibentibus æger,
 Forte rogas Lector candide, cur id agam.
 Cur caput inualidum turbare laboribus ausim,
 Ut morbus uires augeat inde suas.
 Agmen adi scythiaum quod uinctum arnis in arce
 Quereq; quid medio sepe labore anunt.
 Quid suffirantes patriam, pharetrasq; sagittis
 Exaustas, modulis compedibusq; sonant.
 Sic ululans quem uis captum tenet horrida morbi,
 Tristia qua possum tempora uocæ leno.
 Verbaq; sed morsu Lime non trita cœgi
 Nil cupiens in eis maius habere fide.
 Nec mirum fuerit si quæ uiciosa relinquit
 Mens onerata suis & prope fracta malis.

BIBLIOTH. UNIV.



JACELLORUM

Fol. 4. pro, q; iuuante Maria, scribendum genitricæ iuuante. Fol. 1. b.
 pro pondere pondera. Fol. 4. b. ubi præripiens sit proripiens.

In edibus Hieronymi Victoris. Anno domini 1525.







